

## Nsenga - Uzimu Nkhondo Malembo - SW Intro Scriptures

- Luka 17:5 Nthumi zesenga Asikulu kuti, "Mutiyangizyle cicetekelo." ARoma 10:17 Tetyo, cicetekelo cuwela kufuma mukumvwa malizu, na kuti malizu owela kupidila mu kuŵilizya Kristu.
- Luka 11:1 Nsita iyakine Yesu enzolombela pa malo payakine. Pecisilizya, msambili wake muyakine emusenga kuti, "Asikulu, tisambizyeni kulomba, ngani Yohane esambizya asambili ūake."
- 1 Timoteyo 2:1-4 Cotatikila, nukusengani kuti paŵe malombelo olombela ūanthu wonse. Malombelo aŵe, wosenga kwa Mulungu, na wosengela ayakine na wotembezya Mulungu. 2 Mukōwalombelako mafumu na wonse ali na ulamulilo, kuti tiŵe na moyo wa celele na wa mtendele, tikotembezya Mulungu pa vonse na kumucinzika. 3 Ivi ni viweme na kuti vutemwesha Mulungu, Mpulumushi wasu. 4 Yeve opangwa kuti ūanthu wonse apulumuke nipo kuti aziŵe vyendi.
- Luka 22:31 "Simoni, Simoni, nkhala celu! Satana wasenga kuti akuyezyeni mwewo monse ngani mwanakazi mwakupepetela vincheŵele.
- Zakaliya 3:1,2 - Yuda 1:9 Koma cukanga Mikayele, mngelo mkulu, penzokangana na Satana va citanda ca Mose, aliyoyezye kumupingula momutafulila, koma elawila kuti, "Asikulu akucimule!"
- Aifeso 6:12 Pakuti tulwanalini na ūanthu, koma tulwana na maufumu, maulamulilo na mphamu za mu calo cino ca pansi ca mfinzi, koma soti na viŵanda va mululu.
- Aifeso 6:10,11 Posilizyla nikuti, ūani otang'a mwa Asikulu popitila mu mphamu zake. 11 Vwalani vida va nkhondo vakupani Mulungu, kuti mutweshe kupanama na kulgana na wenye wa Satana.
- Aifeso 6:13-17 Tetyo, vwalani vovwala va nkhondo lomba! Kuti nsiku iyipa ikayowela, muzetweshe kulwa na kuti mukayocita vonse mukapaname nji. 14 Tetyo, nkhalan wokonzeka, povwala vyendi ngani bande yomangisha mu luwunda; vwalani cilungamo ngani vovwala vocingilizya pa nganga panu. 15 Nipo kapamphu kanu powilizya Malizu Aweme ū mtendele kawē ngani nkhwaŵilo zanu. 16 Nsita zonse muŵe na cicetekelo ngani vishango vanu vokucingilizyani, vatimukovikila mimvwi yonse yoyaka mulilo wa Satana. 17 Zomelani cipulumusho ngani visote vanu, na Malizu ūa Mulungu ngani vipula vakupani Mzimu.
- AHebeli 4:12 Pakuti Malizu ūa Mulungu ni ūa moyo, oseŵenza, ni wonola kupula cingwandali conola konse–konse. Oloŵa mka molumikizyilana moyo na mzimu, nipo olasa mka mwa mtima. Opingula cukanga

vakulingilila wānthu nolaka-laka mu mitima mwawo.

Luka 4:8 Koma Yesu eyasuka kuti, "Malembo olawila kuti, 'Uwolambila Asikulu Mulungu wako, nipo uwōatumikila wēve wēka.'"

Aifeso 6:18 Muwolomba mu Mzimu nsita zonse nosenga Mulungu pa vamupangwa. Wani celu na wotang'a pamulombela atuwā mtima.

1 Samuyeli 17:45-47 - Davide & Goliath

Luka 10:17-20 Wānthu wāla makumi asanu na awili na awili ewelako na cisangalalo elawila kuti, "Asikulu, cukanga viwanda venzotimvwila keno tuvilamulila mu zina yanu." 18 Yesu ewawuzya kuti, "Niwona Satana opona ngani kaleza kufuma Kululu. 19 Nakupani mphamvu kuti muwokanda njoka na nkhanila, nocimfyा mphamvu zonse za mulwani wala. Paliye kanthu kangakucenekeni. 20 Koma osasangalala cikomo cakuti viwanda mwevicimfyा, tetyo muwosangalala kuti mazina wānu elembewa Kululu."

2 AKolinto 10:3-5 Ni cendi nise wānthu, koma tukulwalini nkhondo mokonkha va wānthu tyala. 4 Pakuti vida vasu va nkhondo ni va wānthu tyalalini, koma ni mphamvu zofumila kwa Mulungu zotwesha kuceneka. Tupasula malingililo wā wenye, 5 nipo soti kuzikuzya kulikonse kulesha wānthu kuziwā Mulungu. Tutwesha kuti lingililo iliyonse imvwile Kristu.

Mateyo 16:19 Nikakupe tanthauzo ya Ufumu wa Kululu, nipo ciliconse cawamanga pano pansi cikomangiwa Kululu, nipo ciliconse cawamangulula pano pansi cikomangululiwa Kululu."

2 Timoteyo 1:7 Pala mzimu wecitipa Mulungu ni Mzimu wosatipa wowa yayi, koma mzimu wotipa mphamvu, cinthemwa, na kuzilesha.

Mateyo 12:28,29 Koma keno newo nufumya viwanda na Mzimu wa Mulungu, niye kuti Ufumu wa Mulungu wawela pali mwewo. 29 "Munthu angalōwelini mu ng'anda mwa munthu wotang'a noyiwā vinthu vake. Koma keno amumangilila wala munthu, niye pangamuyīwile mu ng'anda mwake.

Aifeso 1:13 Pemwicimvwa malizu wā vyendi, wāmene ali Malizu Aweme wā cipulumusho, mwicetekela mwa Kristu, na kuti Mulungu eyika cizīwikilo cake pa mwewo pecimupani Mzimu Mtuwā olayiziyiwa.

Machitilo 19:6 Paulo pecīwayika manja pa mitu, Mzimu Mtuwā ewela pali wēve, nipo etatika kulāwila vilawilo vosaziwika, nowilizya malizu ofumila kwa Mulungu.

Maliko - Mako 16:15-18 Tetyo, ewawuzya kuti, "Nkhoyani ku calo conse ca pansi, mukawilizye ku wānthu wonse Malizu Aweme. 16 Wāmene wātiazecetekela nobatiziwa, azepulumeke, koma wātiazecetekelini azepezewe ni wocimwa. 17 Wocetekela azocita vokanganisha voteti: akofumya viwanda mu zina yangu, akolawila malulimi wā lomba. 18 Nipo

akakate njoka, keno kumwa cakumwa cingawapaye akacenekekeli, akayika manja pa wantru olwala, akopola.”

1 Yohane 1:9 Keno tuwulula macimo wasu kwa Mulungu, yeve ni wolungama na wa vyendi nipo atilekelele macimo wasu notisuka kutifumyila cosalungama ciliconse.

MaSalimo 109:17 - Yakobe 3:10 Pa kamwa pofuma matembezyo, pamene apo soti pofuma mashamu. Mwenekwasu, voteti vupangwikalini kucitika.

Wopingula 16:16 - 2 Petulo 2:7,8 Koma epulumusha Loti munthu wolungama, enzotamana na unkhalo wa tucenche wa wala wantru wocimwa. 8 (Munthu wala wolungama, pakuwa pakati pavo, enzokumvwa nowona vocita vavo viyipa, nipo nsiku na nsiku mtima wake wolungama wenzotamana.)

Aifeso 4:26 “Keno wakalipa, usaleke ukali wako kuti ukutwale ku cimo,” osawa na ukali mpaka zuwa kulowa.

ARoma 14:12 Tetyo, aliyense mwa sewo akazikonkholele yeka kwa Mulungu vecicita.

1 Yohane 2:23 Paliye okana Mwana angawe na Atata. Aliyense ozomela Mwana ali soti na Atata.

Yohane 14:6 Yesu emuyasuka kuti, “Newo nine njila, nine vyendi, nipo soti nine moyo. Paliye munthu angafwike kwa Atata keno opitilalini mwa newo.

Mateyo 11:28-30 “Welani kwa newo, mwewo ovupa na wolefuka, nipo nikupeni mpumulo. 29 Takulani goli yangu, nipo sambililani kwa newo, pakuti nine wolezya na wolefuka, nipo mufwane mpumulo wa mizimu yanu. 30 Pakuti goli yangu ni yosatamanisha, nipo katundu wangu ni wopepuka.”

2 AKolinto 6:2 Pala Mulungu olawila kuti, “Pa nsita yangu iweme yowamila wantru mtima, nekumvwa; pa nsita yopulumusha wantru, nekuyavya.” Mvwishishani, ino ni nsita iweme yakuti Mulungu akucitileni cisomo. Lelo ni nsiku ya cipulumusho.

ARoma 10:13 Pala Malembo olawila kuti, “Aliyense oyita pa zina ya Asikulu akapulumuke.”

Ek. - Exodus 20:5 - sin cursed to 3 & 4 generations